

Fu posto, per li Savii tutti, atento è zonto in questa terra Agustin di Castion soracomito veronese, con una bellissima zurma, qual questa matina à fato la monstra in corte di Palazzo, et ben in ordine de arme, et zà hanno a Verona auto do page, però è bon armar la galia li fo deputata, si per usar le zurme, come per ogni altro rispetto; però sia preso che dito soracomito sia armato, *ut in parte*. Ave 193, 13, 0.

Fu posto, per li Savii loro, atento sier Andrea Trivixan el cavalier fo electo per questo Consejo andar a Padoa insieme con sier Daniel Renier e sier Hironimo da cha' da Pexaro, dove è zà andato il Governador, et li sia venuto mal, sichè non si pol partir da matina come era l'ordine; però sia preso che sier Piero Lando podestà di Padoa sii il 3° in loco dil Trivixan, qual al suo ritorno di podestà di Padoa debi referir e dir l'opinion sua zercha le strade, tereni, ponti e fosse, *ut in parte* 1518, 22 Mazo; il qual sier Piero Lando sarà qui di breve, e vengi ben instructo. Et fu presa. Ave 177 de si, 8 di no. Et cussi la matina sequente, il Renier et Pexaro partino per Padoa a spexe di la Signoria nostra.

Fu posto, per tutto il Colegio, far uno Michiel Fusta, qual ha portato più volte fagiani al Christianissimo re, nobel cretense, atento li meriti soi. Nota, questo era in exilio di questa terra e terre e lochi, perchè amazoe el reverendo domino . . . Gradenigo in questa terra per sospeto li lavorava soa moier; et per il Consejo di X li fo fato salvoconduto per 100 anni, mo' a requisition di sier Hironimo Corner di sier Zorzi procurator, qual va patron al Zafo di la nave e lo mena con lui, è stà fato nobele cretense. Ave 172, 20, 2.

Fu posto, per i Savi dil Consejo e Terra ferma, una expetativa a li fioli fo di Zorzi Volzimente, qual a Modon fu da' turchi occiso; et atento li soi meriti, aziò Nicolò et Lorenzo soi fioli et Lucia soa sorela possino sustentar la vita loro, li sia dato do mesuradure di formento a l'oficio di le Biave prime vacante, da poi fornite quelle li hanno impetrate avanti sto zorno, *ut in parte*. Ave 154 de si, 17 di no.

379 Fu posto, per li Consieri, Cai e Savii, che *de cetero* non si possi monstrar le zoje ad alcuno se non sarà balotà in Colegio con li 3 quarti dil Colegio a chi, e nominarli in poliza, over almen il numero saranno con li ditti signori over altri che la vorano veder; sicome fu terminà non dar il Bucintoro ad alcuno senza licentia di questo Consejo. Ave 178, 18, 1.

El nota. Fu opinion di sier Antonio Trun procurator savio dil Consejo, e questo perchè quel Tadio da Canal fo impichato, per scapolar la vita, come fu preso nel Consejo di X, discapolata, acusò uno prete, qual con uno favro havia intelligentia a robar le zoje di San Marco, et havia dormito 5 note in chiesa, è stato in le zoje quando andò a vederle li francesi; ma non fu vero.

Fu fato eletion di tre Savii ai ordeni per 3 mesi, per do man di eletion et la banca, in luogo di sier Antonio Moeenigo, sier Carlo Ruzini, sier Domene-go Trivixan, è stà mandati fuora di l'oficio per deliberation fata in la Quarantia novissima per il piedar di sier Marco Loredan l'avogador, per non aver *juridice* provato la età; e datoli termine 8 zorni a reprovarsi. Non è ancora passà li zorni e li Consieri fa in loco loro.

#### *Electi 3 Savii ai ordeni.*

Sier Zacaria Trivixan, fo avocato grande, qu. sier Beneto el cavalier . . .	98.101
Sier Zuan Batista Basadona, fo a la doana di mar, qu. sier Zuan Francesco	117. 92
Sier Donado Dolfin, fo camerlengo a Ruigo, di sier Sebastian . . . . .	106. 97
Sier Bernardo Zustignan qu. sier Alvise, qu. sier Marco, qu. sier Lunardo cavalier procurator . . . . .	106. 97
Sier Lorenzo Bembo qu. sier Hironimo, da <i>San Polo</i> . . . . .	108. 99
Sier Francesco Surian, fo a la doana di mar, qu. sier Andrea, dopio . . . . .	62.145
Sier Alvise da Ponte, fo avocato grande, di sier Antonio . . . . .	112. 95
† Sier Alberto Badoer, fo podestà a Torzelo, di sier Piero . . . . .	121. 82
† Sier Zuan Barbarigo, fo podestà a Torzello, qu. sier Andrea, qu. Serenisimo, dopio . . . . .	126. 75
Sier Alvise Caravello qu. sier Domene-go . . . . .	107. 95
Sier Hironimo Zen, fo a la Ternaria nuova, qu. sier Bacalaro el cavalier	101.102
Sier Polo Zigogna, fo al dazio dil vin, qu. sier Bernardo dopio . . . . .	86.119
Sier Dolfin Dolfin qu. sier Piero, fo a la tavola de l'intrade . . . . .	118. 83
† Sier Tomà Lippomano qu. sier Bortolo, qu. sier Thomà . . . . .	150. 55